

UNIVERZITET U TUZLI
SENAT

Broj: 03-1999-1-1/20

Tuzla, 30.04.2020. godine

Na osnovu člana 52. stav (1) tačka a) Statuta JU Univerzitet u Tuzli, u vezi sa preporukom Ministarstva obrazovanja i nauke Tuzlanskog kantona od 25.03.2020. godine u cilju zaštite zdravlja studenata i zaposlenika Univerziteta u Tuzli i prevencije pojave širenja zaraze corona virusom, Senat Univerziteta u Tuzli na vanrednoj elektronskoj sjednici održanoj 30.04.2020. godine donio je

ODLUKU

**o načinu organizacije i realizacije nastave za vrijeme stanja nesreće
uzrokovane pojavom COVID-19**

I

Naučno-nastavni proces na I, II i III ciklusu studija u periodu od 01.05. do 15.05.2020. godine organizira se i izvodi na sljedeći način:

1. Teoretska, praktična nastava i ispiti u učionici i nastavnim bazama fakulteta/Akademije se obustavljaju.
2. Predavanja i auditorne vježbe, kao i dio laboratorijskih vježbi i dio prakse, realizirati će se u vidu eNastave korištenjem kanala elektronske komunikacije,
3. Ukoliko nastava na pojedinim fakultetima/Akademiji, odnosno nastavnim predmetima nije moguća, ista se obustavlja u naznačenom periodu, a nadoknadit će se po sticanju uslova.
4. Nastavnici i saradnici su obavezni podnositi elektronskim putem izvještaje o održanoj nastavi prodekanima za nastavu i studentska pitanja na propisanim obrascima.
5. Rad studenata kroz interaktivnost sa nastavnicima i saradnicima putem izrade seminarskih radova, zadataka i drugih oblika predispitnih aktivnosti (osim parcijalnih ispita) će se vrjednovati u skladu sa silabusima nastavnih predmeta.
6. Saradnici su obavezni učestvovati u pripremi i realizaciji eNastave u dogovoru sa predmetnim nastavnikom, kao i obavljati konsultacije sa studentima elektronskim putem.
7. Nastava iz tačke 1. ove Odluke, kao i eKonsultacije realizirat će se, u pravilu, u skladu sa važećim rasporedom nastave i konsultacija.
8. Preporučuje se studentima da se za vrijeme realizacije eNastave posvete učenju, pripremanju ispita i konsultacijama sa nastavnicima i saradnicima elektronskim putem.
9. Odbrane diplomskih radova/magistarskih radova/doktorskih disertacija odgađaju se do 15.05.2020. godine.
10. U periodu iz tačke I. ove Odluke reducira se komunikacija Studentskih službi sa studentima na način da student telefonskim putem/elektronskim putem podnese zahtjev za izdavanje odgovarajućih potvrda i slično iz evidencije studentske službe.

II

Zadužuju se dekani fakulteta/Akademije za realizaciju nastave iz tačke I ove Odluke.

III

Sjednice Senata, Naučno/umjetničko-nastavnih vijeća i drugih tijela fakulteta/Akademije Univerziteta, po ukazanoj potrebi odvijat će se putem e-sjednica.

IV

Ova Odluka stupa na snagu danom donošenja, a primjenjuje se počev od 01.05.2020. godine.

PREDSJEDAVAJUĆA SENATA

Dr.sci. Nermina Hadžigrahić, red.prof.